



義

日
封内風土記卷之二

郡邑

封内風土記卷之二

田邊希文撰

明治三二年
九月二日
撰

名取郡 東限海西隣羽州界大峠和津倉山北面

白山南面白山側角山小東山清水峠外鎬山諸

山南連宮城郡北接柴田亘理兩郡希文撰與州風土記殘編

云名取郡東限青葉川西限岩沼川南限松賀溪北限若狹山與今之郡界其不合青葉川今之廣

滿川乎岩沼川若狹其田上下其昌上下其貢中山共今不詳其何處

下其邑六十一三十一邑曰南方三郡山邑步卒馬

場邑步卒古内頼母廣充附屬給主士公族秋保

門 呂 4
號 770
卷 5

外記氏盛家僕茂庭數之助秀將家僕雜處郡邑之中

神社凡二百十三

佛宇凡七十九

寺凡百十八

巷一

修驗一

孝子凡八

忠僕一

強弓手一

倉廩三處

木藏一

社地一

古寺跡凡三

古壘凡二十

古塚凡六

古墳凡三

舊跡凡六

經塚一

馬塚一

田數亦文



川 凡二十

山 一

温泉 一

瀑布 凡二

嶽 凡三

崎 凡二

濱 凡四

洞窟堂遺跡 一

島 凡七

道 凡十三

橋 凡六十八
本大平寺跡同土

泉 一
精舎山臺跡同土

渡 一
跡同土

沼 凡五
本屋敷跡同土
以瀬山跡同土

浦 凡二
跡同土

原 凡二
跡同土

堀 凡三
北外堀跡同土
東外堀跡同土
西外堀跡同土

壇 一
跡同土

石 一
跡同土

堰 凡二
跡同土

巖凡二

澤凡三

松凡九

根岸邑

北長町有市店而馭也以下至新川邑凡

三十一邑曰之北方

神社凡三

神明宮

在越路鹿落阪上以屬仙臺府內詳

于府內之條

愛宕社

詳于仙臺府內之條

塩竈社

在大年寺裡同上

佛宇凡二

觀音堂

在鹿落阪上同上

虛空藏堂

同上

寺凡七

正宗山瑞鳳寺

臨濟宗詳于仙臺府內之條

經部山太藏寺

曹洞宗同上

汰輪山長德寺

曹洞宗同上

青龍山宗禪寺

曹洞宗同上

兩足山大年寺

臨濟黃檗宗同上

普門山瀧澤寺

曹洞宗仙臺府下宗禪寺末

寺傳云 正親町帝永祿八年太白和尚開

山

菊水山蓮明院普門寺 天台宗仙臺府下光

圓寺末寺傳云慈覺大師開基不詳其年月

後西帝明曆二年實尊法印中興

道凡二

其一 江府道

其二 羽州最上道

倉廩一 雜穀

木倉一

平岡邑 南長町有市店而馭也

神社一

新山權現社 不詳何時勸請

佛宇凡三

觀音堂 不詳何時創建

藥師堂二 共同上

寺一

南谷山福聚院 曹洞宗仙臺府下宮澤宗禪

寺末寺 後柏原帝永昌中通屋和尚開山

孝人一人 邑民半兵衛事養父母能供為子之

職_ラ鄉人稱_ス之_ラ 今上帝明和元年九月賜_テ金_ヲ賞_ス之

塚一 號_ス曹塚不詳_キ其_レ死_ニ以_テ然_ル也或云小人塚相傳仙臺城經營時小人結黨殺_ス監吏故悉擊_テ殺_ス之埋_ル其屍處希文少年時問_フ之土人曰小人塚爾來已五十餘年今土人失其傳曰之加布登塚蓋此時覺_テ範寺乃今誓願寺之地則其處亦近以_テ胡比登加布登訓音相近誤_レ之乎

川一 廣瀨川 中流根岸平岡兩邑界

橋九七各土橋

其一 長_サ三十八間橫_ニ二間三尺假橋也

其二 長_サ二十間橫_ニ二間同上舊橋長_サ八十六間濶_ニ三間半洪

水之後為假橋二

其三 在_リ流木堀長_サ六間橫_ニ一間

其四 同上長_サ五間橫_ニ一間半

其五 同上長_サ五間橫_ニ一間

其六 同上長_サ六間半橫_ニ二間

其七 在_リ諏訪堀長_サ六間橫_ニ一間

沖野邑

神社一

八幡宮

不詳何時勸請

寺一

揚隆山清涼寺

曹洞宗仙臺府下八塚龍川

院末寺傳云

後陽成帝慶長三年龍川院第

二世明屋和尚開山本尊勢至觀音慈覺大師

作仙臺三十三處第二十七番之札處也

古寺遺址一

傳云古昔有寺號清水山當圓寺

今荒廢惟有其遺址悉為圃

古壘遺址一

號西館不詳何人死居今悉為田

圃

飯田邑

伊達駿河村儀步卒雜處邑中

神社一

八幡宮

不詳何時勸請

佛宇凡二

十躰佛堂

不詳何時創建

藥師堂

同上

寺凡二

千手山滿藏寺

真言宗武州江戸彌勒寺末

寺傳云

靈元帝延寶六年寶鏡院圓鏡坊

開山

瑠璃山藥王寺

真言宗京都醍醐報恩院末

寺傳云

明正帝寬永十九年觀正院開山

日邊邑

神社凡二

八幡宮二

其一稱高田八幡其二稱日宮八

幡傳云邑名本之共不詳何時勸請

佛宇一

根本觀音堂

不詳何時創建傳云本尊慈覺

大師所造與落合觀音同本而此像以下造落

合觀音遺株製之故稱根本觀音仙臺三十

三處第二十六番之札處也古昔有寺號本

木山觀音寺修驗者兩全院祥範中興以來

其子孫為別當大番士茂木家傳云此本尊

茂木家先祖所安置而稱之茂木觀音後入

誤其訓音附會而曰根本今無其證不知孰

是

寺一

光明山德照寺

淨土真宗仙臺府下八塚正

樂寺末寺傳云

後水尾帝寬永中圓壽上

八開山仙臺八塚正樂寺舊跡也

松一株 土人曰之門松傳云往古歲首立門松
其後為稻苗之鳥除以生其根邑民彌右衛門
者之先祖栽之而稱門松爾來弥右衛門家歲
首直以此松為門松別不立松云

川九二

廣瀨川 其源出自宮城郡國分庄大倉邑仙

臺川之末流也

名取川 其源出自羽州界清水峠經秋保赤
石入來田中田至本邑與廣瀨川會入開上

海

今泉邑

神社九二

熊野神社 不詳何時勸請

牛頭天王社 同上

佛宇九二

觀音堂二 共不詳何時創建

寺九五

如意山寶泉寺

曹洞宗本郡宮沢宗禪寺末

寺傳云

後柏原帝大永三年宗禪寺第四

世海印舜目和尚開山

今泉山祐善寺 淨土真宗京都西本願寺末

寺傳云 後水尾帝御宇順西上人開山不

詳年月

觀音山地藏院圓衆寺 天台宗仙臺府下光

圓寺末寺傳云 正親町帝元龜二年三知

汰印開山

慈眼山地福寺 曹洞宗本郡根岸邑瀧澤寺

末寺傳云瀧沢寺第廿世章岳京文和尚開

山不詳其年月

山不詳其年月

光澤山寂真坊 淨土真宗本邑祐善寺末寺

傳云 靈元帝天和中祐念上人開山

古壘一 號玄蕃館不詳何人死居

川一 號古川橫十九間長百二十間末流細而

至洶上濱會廣瀨川

種次邑

神社一

蛇體明神社 不詳何時祭何神

寺一

藥王山東禪院 曹洞宗本郡根岸邑瀧澤寺
末寺傳云章每京文和尚開山不詳其年月

二木邑 有號三本塚地

神社凡二

山王權現社 不詳何時勸請

稻荷神社 同上

寺凡二

水白山長稱寺 淨土真宗仙臺府下八塚正

樂寺末寺傳云玄長上人開山不詳其年月

茂葉山昌林寺 曹洞宗仙臺府下昌傳菴末

寺傳云雲室和尚開山不詳其年月

菴一

明恩菴 號無山 天台宗本郡今泉邑圓乘寺末寺

不詳何人開山

古塚一 號龜塚 古來之塚也不詳其所以然

橋凡二 各土橋 在三本塚其一長八間其二長

六間 橫各一間

井土濱

沼一 號小牛沼 徑二十五間長三町

川一 號浦川 橫十間餘長九町餘

橋一 長十一間橫一丈土橋也

藤塚濱

神社一

五社明神 天照大神賀茂祇園稻荷春日五

神一社祭之傳云 後冷泉帝平康三年源

賴義朝臣父子與州征伐之時勸請五神於

常州邑松一社祈之其後 後花園帝永享

七年穴戶佐竹野口永倉合戰之時罹兵燹

社家等離散是以新開本邑之地遷座云

寺一

金龍山高福寺 真言宗仙臺府下龍寶寺末

寺不詳何時何人開山

淘上濱 國俗作 有市店而馭也

神社一

湊明神社 所祭春日大明神不詳何時勸請

佛宇一

辨財天堂 不詳何時創建

寺凡三

淘上山觀音寺 真言宗仙臺府下龍寶寺末

寺不詳何時何人開山 寺中有 後醍醐帝

重祚延元中所建之古碑然則延元以前古寺也

龍石山持法院 真言宗仙臺府下龍寶寺末寺傳云 後水尾帝寬永中權大僧都尊空

汰印開山

龍雲山東禪寺 余曹洞宗常州額田郡小場邑常秀寺末寺 正親町帝元龜中全應和尚

開山

橋凡三各土橋

其一長八間橫七尺與小塚原邑相接

其二長九間橫一間同上
其三長十一間橫七尺同上

小塚原邑

神社凡二

熊野神社 不詳何時勸請

愛宕神社 同上

佛宇一

觀音堂 不詳何時創建

橋凡三各土橋

其一 號足洗橋長五間橫一間

其二 在新堀長五間橫八尺
其三 在天王堀長十間橫七尺與牛野邑相
接

牛野邑

神社凡三

八幡宮 不詳何時勸請

牛頭天王社 同上

章德權現社 不詳何時祭何神

寺一

牛野山汰性寺 東洞宗仙臺府下石名坂大

安寺末寺傳云 後西帝明曆元年通岩浦

天和尚開山

大曲邑

神社凡二

八幡宮 不詳何時勸請傳云古昔小野兵庫

頭傳不居處之鎮守也兵庫頭不詳何人テルヲ

天神宮 同上

寺凡二

如來山汰德寺 曹洞宗仙臺府下泰心院末

寺傳云圭存和尚開山不詳其年月土人呼

之曰南汰德寺

如来山汰德寺 真言宗本郡植松邑弘誓寺

末寺不詳何時何人開山土人呼之曰北汰

德寺

孝子一人 邑長甚三郎雙親年老事之致孝奉

養竭力且與鄉民親睦能衆心一鄉嘆美之

櫻町帝延享五年此年改元寬延四月賜金賞之

川一 號廣浦川源出自本郡川上笠島兩邑而

入淘上湊

高柳邑

神社凡二

多賀神社 社家傳云 景行帝二十八年戊

戌春二月日本武尊東夷征伐之時所勸請

也 雄畧帝始奉圭田行神禮式祭社之良

方今猶有稱神明曲九段八畝之地各跡志

曰鄉人曰之少宮古風土記殘編云多賀神

社圭田五十八束二字田所祭伊弉諾尊也

雄略二年始奉圭田行神禮式祭神名祕書

曰多賀宮伊弉諾尊洗右眼目以出神號曰

豐受忌魂亦名伊吹多主神是也神代卷曰

伊弉諾尊構^ヘ函^ニ宮^ヲ于淡路之洲寂然長隱亦
曰伊弉諾尊登^テ天^ニ報^シ命^ヲ仍留^リ宅^ニ於日之少宮
鄉說呼^フ若宮八幡非也常人却^テ泥^テ鎌倉鶴岡
若宮本來且文字亦異^ナ妄傳^ニ稱^ス之者也希文
按^ス是乃延喜式神名帳所謂多賀神社而本
郡二座之其一也

白鳥神社 不詳何時勸請

佛宇凡二

藥師堂 在大聖寺中傳云本尊慈覺大師作
不詳何時創建

丈六堂 其所^レ在土人呼^フ之曰丈六堂原不詳

何時創建

寺一

高柳山大聖寺 臨齊宗京都妙心寺末寺傳

云徹宗和尚開山不詳其年月

孝子一人 邑民六右衛門弟久之丞事其父母

能孝一鄉稱之 櫻町帝延享三年十月賜金

賞之

王壇原 傳云日本武尊東夷征戍之時休憩之
處

地藏原 有古来之石佛地藏

四郎丸邑

神社凡二

神明宮二 共、不詳、何時、勸請、

佛宇一

落合觀音堂 本尊慈覺大師所造也傳云

後水尾帝寬永四年 貞山君所創建而賜

廩米三口於別當修驗大善院号無畏山落

合寺仙臺順礼三十三處之中三十一番之

札處也名取廣瀨兩川會于此故曰落合希

按觀跡聞老志名跡志共為本尊雲慶作者誤也聞老志為此堂在袋原邑者亦未深考焉

寺凡三

汰明山成就院光西寺 真言宗本郡植松邑

弘誓寺末寺傳云 後水尾帝元和二年宥

海汰印開山

曼陀羅山安養院蓮迎寺 淨土宗仙臺府下

八塚成覺寺末寺傳云元和三年經蓮社良

寺上人開山

妙體山善德寺 曹洞宗本郡宮澤宗禪寺末
寺傳云此寺舊天台宗而慈覺大師開山乃
以大師之名為寺號曰善應寺 中御門帝
享保四年有命避雄山君泐謚改号善
德寺有大師所造觀音文殊普賢像且古碑
記天台之梵字其後後柏原帝永正之比
宗禪寺第四世海印和尚中興開山改宗曹
洞有古櫻樹二株号雲南櫻一株在門前二
町許坤方一株在門前南
古塚凡二 其一号大宮塚傳云蘆塚權現社地

也其二號庚申塚
社地一 傳云蘆塚權現社地也每歲六月十日
擔本郡吉田邑高館那智山權現神輿到洵上
濱採此社地蘆葉注潮水於神輿云
橋一 長五間半橫一間四尺與袋原邑相接

袋原邑

寺凡二

袋室山德袋寺 真言宗本郡植松邑弘誓寺
末寺不詳何時何人開山 東山帝元祿中
有譽泐印中興開山

妙音山寶林寺 淨土真宗京都東本願寺末

寺傳云 後水尾帝寬永中道願上人開山

古塚一 古采之塚也不詳其所以然

前田邑 中田町有市店而驛也

本邑古采稱名取鄉或作名虎鄉者訓立言之語也
神社凡三

伊豆權現社 傳云 花山帝御宇中津川源

義氏所祭之神也有棟梁古牒記云天文七年

三月二十一日柳沼七郎建立希文按天文之

号 後奈良帝御宇也柳沼七郎者乃忠義之

孫也名跡志曰前田橋西有餘址土人曰之前

田館門前設調馬場北西有湟址佐々木勘解

由者舊館也郭西祀伊豆權現古昔中津川義

氏遇讒配東國置之石獄其獄址今猶在配流

已三歲遇赦歸主人竭力好遇咸厚意臨別與

氏號屬實名改柳沼忠義後孫降民間往昔之

刺史牧伯等世所與之印爾花押傳在家今藏

故文書五篇按義氏事實出稗說與鄉人所傳

不同其館主文田四郎高綱者也以實名考之

受亦佐々木餘流乎其地今日前田橋西宅後

裔雖降民間保故館址而不失舊墟可謂厚矣

希文 按今邑民九兵衛武次右衛門者乃其後裔也

熊野社 在明川寺中不詳何時勸請

愛宕社 在寶泉寺中 後西帝寬文七年八月

勸請

佛宇凡三

釋迦觀音堂 安置兩佛於一堂 後水尾帝

慶長三年創建觀音十一面觀音而宮城郡

巡禮三十三處第一番之札處也

觀音堂 在寶泉寺中 後西帝寬文七年八

月創建名取郡三十三處巡禮第三十三番之札處也

十王堂 在寶泉寺中不詳何時創建

寺凡二

熊野山明川寺 曹洞宗仙臺府下大安寺末

寺傳云初号熊林寺 後光明帝正保中王

祝和尚開山 靈元帝天和三年大安寺二

世通岩和尚中興改号明川寺

圓福山寶泉寺 真言宗本郡熊野堂邑新宮

寺末寺不詳何時何人開山 正親町帝天

正十九年正識汰印中興

孝子兄弟二人 中田馭邑民傳三郎及第六之助兄弟相共自幼事父母致孝父歿後奉養老母竭力六之助為人之奴隸其暇日必來助兄共愛養之兄弟共與親族睦與鄉民和且勵農業未輸賦稅則不嘗聊私用之鄉黨稱之今上帝寶曆四年閏二月谷賜金賞之

名取老女舊跡 在路東三町傳云古昔老女夫歸所居也

古塚 小石塚也傳云老女祭烏處也有号烏鵲

宮宅地 邑民源右衛門者居之是乃老女之裔孫也名跡志曰老女叢祠在新宮東一里餘今猶存去此一町餘往時建神烏祠祭之曰烏宮宅乃古之棲遲處烏乃以熊野之使令也 希文按熊野堂邑三社緣起龍寶寺前住實政汰印撰之曰規同郡前田邑老巫遺蹤新造老巫祠土人呼為烏宮與邑民所傳不合姑記之備參考

川凡二

上古川 本邑及大野田柳生三邑相接往古

洪水名取川所流壅塞為渚曰之古川下同
下古川 屬本邑

前田堀 本邑内泉所涌出大小十有六處本邑
及四郎丸高柳大曲牛野小塚原淘上下余田
八邑之用水也

橋凡三谷土橋

其一長九十六間橫三間号中田橋

其二在清水堀長廿間橫三間

其三在大曲堀長廿間橫一間

柳生邑

神社凡七

天神宮 傳云 後水尾帝寬永中觀請

八幡宮 同上

新山權現社 同上

熊野神社 不詳何時勸請

稻荷神社 同上

雷神社 同上

伊豆權現社 同上社中併安置藥師佛

佛宇一

藥師堂 不詳何時創建

寺一

藥茂山柳生寺

曹洞宗本郡吉田邑秀齋齋

末寺傳云

後陽成帝天正十五年秀齋齋

第三世實山和尚開山

古寺跡

傳云古昔有寺号延命寺失其山号

有古碑凡記

後宇多帝弘安以前之年号

四百餘年來之古寺也今荒廢惟存遺址

川一

名取川

偏岸属本邑名跡志曰水源有二一

乃出自同郡二道清泉嶺經邑落而東流至閑

上濱而入于海一乃出自吾妻岳下行澤而合

于野尻地其河流過中田馭北仍曰中田川夏

秋之交設魚簾入教署以捕細鱗漁鮭又世稱

埋木灰者燒河流沈木用之其色紫赤於歌林

亦自古特賞吟之者多風土記殘編曰名取川

貢鱒鮭鯉等又出怪石水材奉官家

沈木也今不出鯉水材者乃

郡山邑

步卒雜處之士人呼之曰諏訪步卒

神社凡三

諏訪神社

不詳何時勸請當社往古之門前

有記花園帝延慶三年所建古碑以是考之則延慶以前之古社也

牛頭天王社 不詳何時勸請

春日神社 同上傳云古昔在粟野大膳譯不所

居之壘内 後花園帝寬正二年三月十九日

宥使泐印中興造建有神木老杉一樹周匝二

丈餘土人稱之北目大杉

古壘一 号北目城名跡志曰是亦粟野大膳故

館也慶長中 貞山君在此城

川一

筑川 源出自本郡富澤邑海老澤而至本邑

會名取川

大野田邑

神社凡二

春日神社 不詳何時勸請

寶量權現社 同上

佛宇一

觀音堂 本尊正觀音定朝作傳云古昔有寺

天台宗号大龍山名取寺 清和帝貞觀中

圓仁慈覺大師開基其後荒廢已久 正親

町帝天正中舜雅僧正中興 後陽成帝慶
長中本山汎修驗善性院為別當至現住威
德院元快九五世也 東山帝元祿十二年
以其古跡 肯山君有可稱舊号大龍山名
取寺之命有什物弘汰大師作地藏尊自
將軍家所賜武州淺草觀榮之千手觀音觀
汰印納之行基菩薩真跡不勤尊惠心僧都
于當院 真跡三尊來迎弥陀如来東叡山 一呂公
辨汰親王真翰六字名号唐僧柏岸和尚筆
痕正觀音隱元高泉兩和尚讚

古壇一 土人稱之曰王壇不詳其所以然也

富澤邑

神社凡五

大鷹神社 不詳何時勸請

伊豆權現社 同上

熊野權現社二 共同上

稚児社 不詳何時祭何神

佛宇凡二

藥師堂 不詳何時創建

觀音堂 同上

寺一

石立山西光寺

真言宗本郡熊野堂邑新宮

寺學頭末寺不詳何時何人開山傳云 東

山帝元祿中宥雅汰印中興

橋凡六谷土橋

在流木堀長或六門或五間橫

各一間

畱田邑

神社凡五

天神宮

不詳何時勸請

愛宕社

同上

牛頭天王社 同上

雲南權現社 同上

山神社 同上

寺凡二

畱藏山金昌寺

曹洞宗宇多郡駒峯邑金龍

寺末寺傳云通山間達和尚開山不詳其年

月希文按寺僧云通山 後陽成帝慶長八

年八月二十五日示寂以是考之則 同帝

天正文祿之比乎

柏葉山成就院

曹洞宗仙臺府下宮澤宗禪

寺末寺傳云嶽翁和尚開山不詳其年月希
文按寺傳云嶽翁後陽成帝天正十五年
三月十五日示寂以是考之則正親町帝
元龜天正之初乎

山田邑

神社一

羽黒權現社 不詳何時勸請

鈎取邑

神社一

八幡宮 不詳何時勸請

佛宇一

聖徳太子堂 不詳何時創建

寺九二

實相山耕田寺 曹洞宗仙臺府下北山輪王

寺末寺傳云 靈元帝天和元年三月松岩

和尚開山

醫王山鈎取寺 曹洞宗仙臺府下北山輪王

寺末寺傳云 仁明帝承和二年西翁和尚

開山

橋一 在往最上路長六間半橫二間土橋也

茂庭邑 有號赤石人來田梨野綱木折立地茂庭
赤石各有市店而驛也茂庭數之助秀將采邑古
來之采地也

神社凡八

八幡宮

在生出森古昔有寺号大木山雲道

寺茂庭數之助秀將家傳云 後鳥羽帝文

治中源賴朝卿東征之時所勸請也秀將元

祖河村四郎秀清藤姓初阿津加志山先登

之賞賴朝卿賜本州耶摩名取兩郡內數邑

住于本邑以為稱号此社乃城中鎮守也

後陽成帝文祿三年秀將八世祖茂庭駿河

定置初理兵衛弟尾張義秀再興 同帝天正

十七年定置戰死于田村門沢城其子上總

定元初理兵衛幼稚義秀為之陣代定元成長之

後分與米地於義秀為別家本邑茂庭家世

所住而寄附祭田 義山君之世易賜米地

定元遷于栗原郡一迫八樟邑公收茂庭家

所寄附之祭田於是別當光明院請之 肯

山君之世寄附祭田二石二斗之地 同世

易賜舊領之地秀將祖父教馬秀興移于本

邑

白旗神社

在生_下出森_上藤號_元白旗地茂庭家傳

云元祖河村四郎秀清及母

_二位_上官_女為_京報_極局

恩祭賴朝卿神靈

武内權現社

所祭武内宿禰生出八幡宮末

社而初與白旗社兩社也何時荒廢乎今同

社祭之稱白旗武内大内神

雲南權現社

不詳何時勸請

十二社權現社

同上

道祖神社

同上

遺船神社

在生_下出森_上不詳何時勸請傳云地

主神也

熊野權現社

同上

新山權現社

同上

佛宇一

觀音堂

稱峯岸觀音傳云古昔有寺號峯岸

寺

正親町帝永祿八年三月十八日茂庭

數之助秀將九世祖河村駿河政秀第峯岸

上野秀信所造立而奥州三十三處順礼第

六番之札處也

寺九五

富重山金剛寺 曹洞宗本郡根岸邑瀧澤寺

末寺傳云章岳京文和尚開山不詳其年月

希文按寺僧曰後奈良帝慶長十一年十

一月二十一日章岳示寂以是考之則同

帝天正文祿之比乎

藥師山東陽寺 曹洞宗本邑金剛寺末寺傳

云佛州長尊和尚開山不詳其年月

道開山東岳寺 曹洞宗本郡根岸邑瀧澤寺

末寺傳云明寶智鑑和尚開山不詳其年月

希文按寺僧云正親町帝天正元年三月

十二日智監示寂以是考之則同帝永祿

之初乎

阿彌陀山西福寺 真言宗本郡植松邑弘誓

寺末寺傳云 靈元帝天和中權大僧都盛

濟汰印開山

瑞雲靈龜山祥岩大梅寺 臨濟宗京都妙心

寺末寺在號綱木地傳云 後光明帝慶安

四年大悲圓滿國師雲居希膺和尚開山雲

居和尚嘗隱於攝州勝尾山中 貞山君嘗

聞其名，明正帝寬永十三年丙子春招之，
雲居固辭不來。其夏五月，貞山君捐館，遺
命招之。義山君喪中，馳价請待之。是以雲
居來住于宮城郡松島瑞岩寺，十有三年。慶
安三年告老，退院來于本邑綱木山白鹿堂
之舊址。白鹿堂，貞山君嘗聞此山中有白
鹿，欲捉之獻。將軍家發列卒以追
之，列卒誤傷白鹿，白鹿遂斃。君大怒，欲罪
其傷鹿者。左右謝之，使其者建堂以贖其罪。
號之曰白鹿堂。雲居來于此，處丁建堂以來
三十三年也。此說本邑老民宗元者嘗語雲
居。雲居汰子木龜長老所記也。而結小菴居之，號瑞鹿堂。或
名繫船亭。同四年，義山君為管構小院，改

號瑞雲山祥岩寺。尋欲寄附寺領，雲居固辭
不受。後西帝明曆中，雲居自察其地，開墾
新田五十石之地，於宮城郡國分荒濱請之，
以為寺領。土人曰之，雲居新田。東山帝元
祿中，肯山君登盤山時，增賜五十石之地，
別寄附廩米五石，于雲居塔所，加號稱瑞雲
靈龜山祥岩大梅寺。此地有號中分水兩郡
橋甘泉，笈甘泉笈者，山中出清泉，以笈引之，
冬溫夏冷，其甘美，故名之。兩郡橋中分水者，
寺門前有，小川名取宮城兩郡之界，而以川

之中央為其界故曰其橋號兩郡橋呼其川
名中分水

古壘凡四

- 其一 號茂庭館傳云自茂庭家元祖河村四郎秀清至秀將八世祖駿河定置所居也
- 其二 號大館傳云河村四郎所居
- 其三 號峯岸館傳云駿河定置父河村駿河政秀所築而其弟上野秀信所居也
- 其四 傳云秀清之支城也

山一 號盤山或作番山舊作萬三太梅寺後之

山而名取宮城兩郡之塚舊曰綱木山崎嶇羊腸陟之十有八町頂上有雲居生前坐禪堂而為沒後塔所號常寂光塔傳云古昔有號萬二郎萬三郎兄弟獵人萬二郎者居于羽州界號二口嶽萬三郎者居于本邑綱木山常獵禽獸為業以萬三郎所居故稱萬三嶽自雲居坐禪于此頂上以來祭兄弟為本山之鎮守稱仁王護國大權現故題塔面有仁王護國峯之額堂中中央安置雲居像左右安置兄弟像著素袍持弓矢其文字作盤山者取於韓愈送李愿歸盤谷序

所謂盤谷之間泉甘而土肥之句

川一

御所川 在茂庭市廛近邊其源出自本郡涌
澤以峯岸館下之堀會此川故姓古邑人呼
之曰御所川

橋一 長七間橫二間土橋也

秋保鄉湯本邑

神社一

權現社 在大倉山不詳何時勸請

佛宇一

寺一

藥師堂 在泉明寺中不詳何時創建傳云本
尊惠心僧都作

藥湯山泉明寺 真言宗本郡植松邑弘誓寺

末寺傳云 後水尾帝寬永二年祐賢汰印

開山

溫泉 自古稱名取御湯是也治諸瘡名跡志
曰在名取上流秋保地鄉黨呼秋保溫泉古
昔 勅封故加御字以尊之古詩亦有御湯
搖蕩雙龍影句

洞窟堂遺址 名跡志曰在名取温泉北洞中記
文字曰平治二年鄉說曰往時釋慈覺開精舍
于此時刺史不好佛一日出渙獵河畔得魚多
令寺僧荷鮭魚運細鱗寺主大不樂捨寺去之
羽州別開地今日寒居山立石寺是也此地乃
其舊址曰洞窟堂

古壘一 號小屋館傳云秋保攝津傳不所居

川一

秋保川 源出自羽州最上界清水岨而末流
曰名取川

橋一

臨潭橋 架于秋保川長十五間橫一間土橋
也名跡志曰入御湯板橋也過客臨岸下則
下流澹々水色如藍殆駛膈必倚欄高興尤
多曰臨潭橋橋下有石高六間長八間廣
四間土人曰之八間石

同鄉境野邑

神社凡七

月山權現社 在大倉山頂上不詳何時勸請
秦神社 在大倉山中央不詳何時祭何神

羽山權現社 在大倉山麓名取川斷崖七八丈上之岩上名跡志曰其下湧碧潭祭八幡熊野稻荷有寺曰醫王山藥師寺小松内大臣重盛公所建不見其寺迹今役徒居之藏古笈高設三架表裡朱之希文按邑民傳云藥師寺天台宗也後宇多帝建治二年六月廿九日為修驗者號醫王山藥師寺光善院小松内大臣重盛公四世之孫廣綱假設役徒之姿下向光善院始祖為光達而同行住職于藥師寺名跡志所謂古笈乃其所負也

也

八幡宮 在同處不詳何時勸請

稻荷社 同上

熊野社 同上

山王權現社 今無其社遺址在岩間

寺一

溪谷山保壽寺 曹洞宗相州小田原海藏寺

末寺傳云海藏寺第五世照山永松和尚開山不詳其年月希文按寺僧曰開山以來歷二百十餘年以是考之則正親町帝永祿

之初^{十一}乎

道凡二

其一 往柴田郡笹谷間道

其二 往宮城郡國分道

橋凡二各土橋

其一 在往最上路長六間半橫一間

其二 在關澤長五間半橫一間

同鄉長袋邑 有市店而驛也

公族秋保外記氏盛采邑

神社凡八

諏訪神社 傳云 後柏原帝永正十年平次

太郎讚岐守彈正少弼盛房所勸請也每歲

七月二十七日行祭礼有流鏑馬之式

熊野社 地主神而諏訪神社之末社也傳云

伏見帝正應三年庚寅勸請

稻荷明神

雷神

奏神 以上三神一社祭之不詳何時勸請

神明宮 本郡總鎮守也不詳何時勸請傳云

此社往古在下號並木地上

館明神社 本邑鎮守也未詳何時勸請何神
石神 本邑鎮守而以大石為神躰無社石高二丈八尺周圍六丈許傳云往古稱之曰名取石近世祭之為痘神

寺九二

飯富山向泉寺 曹洞宗本郡吉田邑秀簾齋末寺傳云 正親町帝天正九年正月安邦詮心和尚開山

簡澤山大雲寺 曹洞宗相州小田原海藏寺末寺傳云天正十二年六月大州梵守和尚

開山

古壘九二

其一 號長館傳云 公族秋保外記氏盛先祖平次太郎盛房所居

其二 號楯山傳云古昔大曲某名諱共者所居

古墳一

靜子墳 傳云源義經愛妾靜子之墓呼其地曰清水窪

川九三

秋保川

野川 源出自本郡新川邑宮城郡國分莊作並邑兩邑深山而至國分莊愛子邑會大食川名取宮城兩郡之界而偏岸屬本邑

砂金川 源出自柴田郡本砂金邑號三方倉地而至本郡境野邑會秋保川河上名取柴田兩郡之界而下流屬本邑

橋凡四各土橋

- 其一 架野川長二十二間橫二間
- 其二 在前澤長十一間半橫二間

其三 在向前寺前長五間橫一間半

其四 在白澤長五間半橫二間與宮城郡國分莊愛子邑相接

同鄉馬場邑 有市店而驛也號野尻地亦驛也此處有步卒二十二人男女凡百七十二人馬二十人足邑民之外也有與羽界番所號二口

神社一

愛宕社 在上館不詳何時勸請

寺一

瀧本山西光寺 真言宗仙臺府下龍寶寺末

寺不詳何時何人開山

古壘凡二

其一 號上館スハク傳云平次太郎盛房仲子賀澤

左衛門傳不死居

其二 號豐後館傳云秋保攝津傳不死居

瀑布一

秋保大瀑布 秋保川之流而直下十二丈五

尺餘廣一丈五尺名取川之源也名跡志曰

在林中岑鬱之地真下十餘丈勢如曳練如

素絲白玉碎石上明珠跳水底山上鎖青松

澗中交紅樹斷巖絕壁殆非凡境十尋錦浪
轟蒼壁萬丈銀河舞翠巖者彷彿于茲山中
之奇觀也

川一號深野川乃秋保川流也

嶽凡三

吾妻嶽 名跡志曰在新川邑境與龍駒嶽相

接秀郡山甲一國長天凝黛色百里透青冥

西疆之大嶽州人盡仰屏顏故名曰東與嶽

龍駒嶽 名跡志曰與吾妻嶽相並山上無樹

唯生茆草鄉人曰山中有龍駒時出而食草

姓々有見之者仍名之

盤神山

昔前文茂庭邑盤山下條所謂古昔
獵人萬二郎者所居之山也名跡志曰在新
川西南龍駒山南蒼崖相峙翠屏相並上有
青松紅樹下有屈曲潺湲溪層々峨々數峯列
亘凡二十餘町濕雲常生於足下冥霧長鎖
於面前空洞幽壑擁斷岸峭壁攢峯達長流
渾與人境大異也曩時有山人不詳產何地
為兄曰盤次郎弟曰盤三郎容貌魁岸性好
田獵常在山澤疾走輕捷跋涉峯巒溪澗恰

若飛仙羽客鄉俗以為地仙之儔焉未詳其
所終也後人祀之為山神仍稱棲遲山岳曰
盤神山其山西曰陽盤神其山東曰陰盤神
山頂曰櫛形嶺後來以其遺像置于最上立
石寺洞中以祭之鄉談曰天陰兩暗四顧寥
々或有坎々伐木者其聲已數百人談笑震
材木而止明且來之其地則聊無見之者矣
或偶然遇異客于幽邃之間忽然失所在而
不知其之處如此奇怪姓々有之蓋魑魅罔
兩之類感寂寥而到茲乎

橋凡三谷土橋

- 其一 在往最上路越中澤長六間橫二間
- 其二 在同上深野川長二十一間橫二間半
- 其三 在同上弥五澤長八間半橫一間半

新川邑

橋凡四谷土橋

- 其一 在山田前渡戶長十間橫八尺
- 其二 在鹿下渡戶長七間橫一間
- 其三 在樋口澤渡戶長五間橫一間
- 其四 在野尻長六間橫一間

增田邑 有市店而驛也以下至寺島邑凡三十邑

曰之南方

神社凡十二

大宮明神社 所祭大己貴命不詳何時勸請
 諏訪明神社 不詳何時勸請

荒神社 同上

蛇塚妙見八幡宮 同上傳云所祭天御中主

尊而本邑七處祭七代之天神其第一神也

配祀 應神帝

大塚明神社 同上所祭天國狹槌尊而七處

天神第二神也傳云姓古大塚也 後光明
帝慶安三年增田市店經營之時穿之而取
土之後為圃社亦小而聊存其址已矣

神明塚明神社 同上所祭豐斟淳尊而七處
天神第三神也姓古有塚是亦慶安之經營
為市店而惟存其名也已

狐塚明神社 同上所祭泥土煮尊沙土煮尊
而七處天神第四神也姓古有塚今七其事
同上

天神塚明神社 同上所祭大戸道尊大戸邊

尊而七處天神第五神也

第六天神社 同上所祭面足尊惶根尊而七
處天神第六神也傳云當社南圃有塚彌馬
塚姓古本郡小豆島邑牛頭天王之神事天
王神樂經過當社前時晴天忽晦冥雷震而
神馬斃埋之築塚號馬塚祈牛馬之疾有驗
應云

守宮塚明神社 同上所祭伊弉諾尊伊弉册
尊而七處天神第七神也其社今荒廢惟有
小塚而存其名而已

雷神社 同上
愛宕社 同上

佛宇一

觀音堂 不詳何時創建與州三十三處順禮
第五番之札處也

寺凡三

谷田山耕龍寺 曹洞宗越後村^州上耕雲寺末
寺傳云 後土御門帝應仁元年天初葉源
和尚開山 希文 按天初和尚者 當家第十
一世大膳大夫天海公第五男而嘗為輪王

寺住持此寺開山 天海公卒前也

天海公考妣之靈廟及靈牌

後島山東巖寺 曹洞宗仙臺府下輪王寺末

寺傳云輪王寺第八世秀山禪益和尚開山

不詳其年月

月輪山日輪寺 真言宗仙臺府下龍寶寺末

寺未詳何時何人開山

修驗一人

妙見山大本寺廣積院 修驗者流伊具郡金

津東光院末寺傳云 後柏原帝大永中智

光先達之汰流豐州彦山靈山寺南谷華藏院客僧權小僧都阿叟房汰印則傳先達之徒慈心坊祐慶開臺初號金剛院賜十石之地有什物春日作觀音茲覺作勢至弘汰作地藏定朝作彌陀自湯殿山所出之不勤弘汰所描大威德明王祐慶自書大般若一卷祐慶所持五銚金剛兵衛盛高作陣太力尺八大般若六百卷

忠僕一人 邑民平兵衛奴隸勤七奉仕竭力能致忠勤鄉民稱之賜金賞之不詳其年月

榎一樹 土人曰之一本木周圍二丈五尺許傳云三百年来之老樹也

川一

增田川 本郡熊野堂邑六鄉大堰之分流而入本郡洵上濱海

橋凡三谷土橋

其一 架增田川長十間半橫二間半

其二 號舟橋長七間橫八尺

其三 號水口橋長十間橫一間半

道凡二

其一 江府道
其二 泮柴田郡道

下增田邑 有_下號高野地_上

神社凡五

神明宮 不詳何時勸請

稻荷神社 同上

熊野神社 同上

雷神社 不詳何時祭何神

佛宇凡五

藥師堂 本尊茲覺大師作不詳何時創建

觀音堂 本尊德一大師作不詳何時創建本

郡三十三處順禮第二十一番之札處也

地藏堂 不詳何時創建

十王堂 同上

聖德太子堂 同上

寺凡五

藥師山東光寺 真言宗本郡植松邑弘誓寺

末寺不詳何時何人開山

阿彌陀山延命寺 真言宗弘誓寺末寺不詳

何時何人開山

院彌陀山高福寺 真言宗同上

福聚山茲眼寺 曹洞宗仙臺府下奉心院末

寺不詳何時何人開山

光明山觀音寺 真言宗本郡熊野堂邑新宮

寺末寺不詳何時何人開山

孝婦一人 邑民長兵衛養子正兵衛妻能事舅

姑致婦道一鄉賞之 櫻町帝寬保二年十二

月其生涯賜廩米十五俵賞之

川九二

廣浦川 偏岸屬本邑

前川 古川也周匝三百二十間餘國俗舊川

流而今為湖者凡曰古川

沼一

鶯沼 周匝二百間餘

塚一

經塚

橋凡三各土橋

其一 號城内橋長七間半橫一間半

其二 號袖木橋長橫同上

其三 號飯塚橋長橫同上

杉袋邑

神社一

八幡宮

傳云

靈元帝寬文四年勸請

佛宇一

毘沙門堂

在塚上塚高三丈五尺周匝七十

五間不詳何時創建

寺凡二

霞景山汰雲寺

曹洞宗仙臺府下八塚松音

寺末寺傳云

後水尾帝寬永六年民國麟

泰和尚開山

杉袋山觀福寺

真言宗本郡植松邑弘誓寺

末寺不詳何時何人開山

橋一

號懸之橋長十一間橫一丈

下餘田邑

産莞席花席等

神社凡十二

鹿島神社

傳云

正親町帝天正中内因

幡傳不詳

者所勸請而本邑之鎮守也

熊野三社

傳云各名取老女所勸請也不詳

其年月老女所實詳于下條

白山權現社

不詳何時勸請社地有古碑記

曰貞和三年丁亥二月日 希文按貞和之號
光明帝御宇也

神明宮二 共同上

富士權現社 同上

荒神社四 共同上

佛宇凡二

觀音堂 不詳何時創建

地藏堂 同上

寺凡二

歡喜山圓滿寺 曹洞宗相州小田原海藏

寺末寺傳云 後花園帝寬正元年海藏寺

第三世太州梵守和尚開山

明正山真福寺 曹洞宗本邑圓滿寺末寺傳

曰 後西帝萬治元年圓滿寺第七世一翁

吞藝和尚開山

古墳一

名取老女墓 邑人傳云 七十四代鳥羽帝

御宇本邑有老女常信崇熊野神屢到于紀

州老衰羸憊不能到于紀州居宅傍建小社

以并之偶有修驗者尋老女死在采宿謂老

女曰我欲到本州觀松島之勝景以曾崇熊
野神先到紀州假寢社前夢中有一老翁整
衣冠持柳葉告我曰與州名取那有老女汝
到與州則當與此一葉於老女夢覺而見之
則枕頭有一葉採而視之則柳葉上如蟲而
有一首和歌曰美智登遠之歲茂以津志如
老仁計利思比乎古世與我毛忘礼志是以
感其神感之亟致尋求授彼一葉老女傳夢
中之神託老女持讀不堪感淚曰我自少崇
熊野神到紀州有年今老邁不能到彼地故

建小祠日々持之乃伴彼修驗到小社共持
神明之辱修驗者亦甚驚嘆其奇異之神感
爾來老女令名無人不稱之者 烏羽帝保
安中別造管三社於近邑今熊野堂邑三社
是也本邑三社乃老女所建之叢祠也 希文
按此鄉說與熊野堂邑三社緣起所記大同
而少異也姑記之以備參考緣起載于熊野
堂邑三社之下條

上餘田邑

神社凡二

天神宮 不詳何時勸請
八王子權現社 同上
寺一

圓通山普門寺 曹洞宗本郡根岸邑宮澤宗
禪寺末寺傳云 後西帝明曆二年宗禪寺
第十三世關翁和尚開山

孝婦一人 邑民二兵衛妻 櫻町帝寬保三年
八月四日其舅遇狂猪而殆危其婦乃與之相
角舅亦助之以鎌殺之救其急難其翌月賜金
賞之

島凡七 土人曰之七島古來有之長或五六間
或七八間橫各可一間半其形如舟其間各可
七間在田中未詳其所以然也
經塚一 塚上有古碑石面記經文且應永十三
年十月二十日希文 按應永之號 後小松帝
御宇也

田高邑

神社凡二
神明宮 不詳何時勸請
山神社 同上

佛宇凡二

十王堂 不詳何時創建

阿弥陀堂 同上

古寺址 古昔有寺號唯道寺彌山不知其宗及

本寺何時荒廢乎惟存其遺址為邑民之地

強弓手一人 獅山君之世本邑有長之助者膂

力過人嘗師濃州處士曾根六左衛門入道默

岑能射一吋二分強弓 公舉之賜祿令教射

強弓者爾來國中多射強弓者

吉田邑 有号三日町地

神社凡六

那智山權現社 熊野堂三社之其一也傳云

元正帝養老三年六月自本郡關上濱鎮

座于本邑稱羽黑權現名取老女勸請 後

鳥羽帝保安中造宮那智山權現社于當山

鳥居在三處祭料每歲寄附廩米三石五斗

山王權現社 那智之末社也不詳何時勸請

春日神社 同上

神明宮 同上

愛宕社 同上

一宮八幡 在修驗大光院宅中傳云養老以前所勸請也

佛宇凡三

觀音堂 傳云 三十二代用明帝御宇草創有寺號那智山物響寺初號羽黑山那智權現觀請之後改號那智山往古有二十四坊及三百石寄附之地亂世之後衆坊荒廢其地亦失之往古七間四面之堂也 後光明帝慶安二年罹回祿今僅方二間之假堂也
阿彌陀堂 傳云本尊慈覺大師作佛也今三

間四面之假堂也往古有寺攝州天王寺末寺而號清水山阿彌陀寺慈覺大師之開基也 東山帝元祿十三年以來無住而羽黑派修驗明覺院為監司改換寺号為修驗之院號遂失寺號 中御門帝享保十四年明覺院死後真言宗僧定元請本寺江府靈雲寺稱光照菴 後柏原帝永正三年丙寅三月 當家第十三世香山公寄附阿彌陀寺造替之材木其書今傳藏于光照菴云
不勤堂 不詳何時創建

寺凡五

天苗山秀麓齋 曹洞宗越後州耕雲寺末寺

傳云安祁任心和尚開山不詳其年月

峻石山紹樂寺 曹洞宗羽州山形安養寺末

寺傳云月岑宗碩和尚開山不詳其年月

永壽山長性寺 真言本郡植松邑弘誓寺末

寺不詳何時何人開山

那智山物響寺 真言宗武州江戸彌勒寺末

寺傳云用明希草創開山僧名不傳豐前

州宇佐宮慈現汰印中興不詳其年月那智

權現之別當也永正中 當家第十三世香

山公造管殿堂是以安置 十二世瓊岩公

香山公靈牌 二十世肯山公祈 尊考雄

山公冥福命讀誦普門品三十三萬卷歷三

年而終功故 雄山公靈牌亦安置焉往古

有二十四坊今悉荒廢惟存其名有 香山

公所賜之書及造管舊記等無住時附託禰

宜治兵衛者 肯山公世公拔之

清水山光照菴 真言宗江府靈雲寺末寺阿

彌陀堂之別當也傳云其初號阿彌陀寺慈

覺大師開山也其事實詳載于阿彌陀堂下
條

秀衡崎 古來有此名不詳其所以然也今為邑
民之地鑿之則偶有古瓦之類

熊野堂邑 有號餘方地

神社凡二十三

熊野新宮證誠殿

本宮十二社權現 傳云以上二社及本郡吉
田邑那智權現社曰之三社 鳥羽希保安
四年癸卯勸請有賴朝卿以來諸家之古文

書數通賴朝卿奉納馬具流鏑馬餞蘭笠及
三條小鍛冶宗近作雁膜鏃社領三十石祭
料廩米三石五斗每歲九月九日祭礼有流
鏑馬神主二人社家七人流鏑馬射手二人
名跡志曰新宮本宮那智曰之三山如今考
之地理則新宮本宮兩社在此邑那智乃在
吉田邑此地新宮地別證誠殿為新宮西宮
為本宮若宮殿為那智建三社而祭之側有
老女宮以學頭別當司新宮外社司六人巫
女一人騎射二人屬之以九月九日為社日

本宮曰之藥師堂五郎右衛門者司之以四月八日為社日祭之那智曰之高館權現有觀音堂別當曰物響寺禰宜曰次右衛門以六月十日為社日祭之緣起說曰昔年名取郡有巫女信紀州熊野三山參詣有年老後不堪長途鳥羽帝保安四年勸請三山神祠於名取河南東稱若宮殿中號證誠殿西宮傍建宮曰義老山頭祭高館權現又建善逝堂及寺院十六區蘋蘩隨時禮典無怠爾後崇德帝保延中有役徒欲赴與州而遊

于松島平泉辭東行而卧于證誠殿有少童告言東與有名取老女者尊當社多年老羸不相見久矣須憑汝傳語且付此一品也役徒醒來枕上有柳葉上有文字乃和歌也曰美知登乎志土之茂伊豆支加於伊尼計里於毛比乎古世和運茂和湏礼志役徒東行傳之老女悲歎咸動不覺涕淚之墮乃引役徒示其地曰斯地幸有三山之形勢於曼擬證誠殿左右皆末社也西北有原野移飛鳥鄉西南有瀑布象那智飛龍名取河流為音

無川合其地理方角者自然之奇遇也役徒
聞老女語對地理扶驚曰是乃神感之所致
也按新古今神祇部載熊野神詠小同大異
上句不同姑存以備參考道遠之程茂遙仁
隔里奴思比於古世與我毛忘連之

護汰善神宮 不詳何時勸請何神

老女社 同上今荒廢惟存遺址

八社宮 同上

愛宕社 在社外不詳何時勸請

關如井明神社 同上

稻荷神社 在象徒西光坊地同上

石尊權現社 在學頭坊寺中同上

神明宮 同上

日月社 在邑民之地同上

飛鳥明神社 同上

第六天神社 同上

音無天神社 同上傳云神體管丞相所自作

也

春日神社 同上

住吉神社 同上

佛宇凡六

辨財天堂 不詳何時創建

文殊堂 傳云 聖武帝天平中行基菩薩之

開基而本尊同作之秘佛 勅願處也姓古

自諸國奉納書寫之一切經三十餘卷歷年

之久蠹喰損失許多今所有者二十卷許

稱德帝天平神護以來至 光明帝貞和之

間奉納施主姓名歲月簡書今猶存一切經

中有記寶龜三年天台山主覺道律師上人

經希文按寶龜之號 光仁帝踐祚元年也

金剛童子堂 在別當坊寺中不詳何時創建

太子堂 在邑民之地同上

地藏堂 在眾徒往生院地同上傳云本尊行

基菩薩作

鐘樓 傳云飛驒工匠所作也鐘銘曰大日本

國與州名取郡於熊野新宮寺奉鑄鐘長四

尺一寸口二尺六寸重二百貫目自尅到來

之聖蒙十方檀亦助成スレ天長地久御願圓滿

為只木殿大檀那源臣大膳大夫持宗并總

代官三河守朝時同福田殿櫻田殿馬場殿

文安三年丙寅十月八日此人工柱永希文
按文安三年後花園帝十八年也只木櫻
田等各當家舊臣其書大檀那亦當家
十一世之公也然書源臣未必無疑蓋誤書
歟其文卑拙有不可解者姑記之備參考

寺凡二

熊野山新宮寺 真言宗京都醍醐報恩院
末寺不詳何時何人開山新宮寺總名而有
學頭坊一院別當坊一院而掌社務往古有
衆徒十七坊辻之坊東光坊極樂坊竹園坊

馬場坊往生院福智坊來迎坊以上十八坊
今猶存西光坊柳泉坊梅澤坊橋本坊中之
坊北林坊井上坊寶光坊山本坊以上九坊
今荒廢惟有坊址而已學頭坊後水尾帝
寬永中國分彥九郎盛重息男玄性房舜濟
汰印中興別當坊後陽成帝慶長中宗雄
汰印中興

今成山圓生院 曹洞宗仙臺府下松睿寺末
寺傳云松睿寺十一世大然存覺和尚開山

石取川

橋一

香爐橋 在社前長二間餘橫二間餘古來之橋也

堰九二

其一 號六鄉堰本郡南方二十四邑北方八邑用水

堰九二 號上堰下堰六鄉堰之分流而本郡南方二十四邑用水

其二 號十二鄉堰本郡南方二邑北方十邑

用水

坪沼邑 有號赤石板橋地赤石有市店而驛也

神社九二

八幡宮 傳云 元明帝和同四年勸請

愛宕社 不詳何時勸請

佛宇一

觀音堂 不詳何時創建

寺九二

金玉山寶善寺 淨土宗仙臺府下八塚善導寺末寺傳云深蓮社信譽源察和尚開山不

詳其年月

佛光山善敬寺

淨土真宗京都西本願寺末

寺傳云

正親町帝天正七年四月了開和

尚開山

古壘一

不詳何人所居

川一

赤名川

偏岸屬本邑其源自北本郡秋保

川西柴田郡碁石川東流入本郡開上湊名

取川之上流也

沼凡二

可方凡尺傳云本邑名本此沼

道一 往柴田郡道

川上邑

有號箕輪足水地

神社凡三

熊野神社

在赤坂山傳云

後陽成帝慶長

五年庚子勸請

貞山君命造營其社同年

四月十七日辰初刻熊野神依本郡前田邑

民藤兵衛者家女而有神託且彼女登本邑

赤坂山為奇異之事邑長民藤左衛門到玉

造郡岩出山以其事告貞山君乃命茂庭

石見綱元到本邑質其事實造立其社云

同末社 六座子守宮禪師宮飛行夜叉宮若
王子宮兒宮勸請土所宮聖宮一萬金剛童
子宮凡八宮為六社希文按此末社多佛名
習合兩部者也

愛岩社 不詳何時勸請傳云舊在東山之頂
後水尾帝寬永十七年六月二十四日移祭
于今之地

佛宇凡二
觀音堂 傳云本尊慈覺大師所作不詳何時
創建

地藏堂 傳云本尊惠心僧都所作同上

寺凡二

地愛山慶藏院 曹洞宗仙臺府下松音寺末
寺傳云 靈元帝延喜元年大然存覺和尚

閑山

龍吏山金剛寺 真言宗本郡熊野堂邑新宮
寺末寺不詳何時何人閑山

岩凡二 在番士遠藤義三郎者之宅地

其一 呼之曰隱里岩高三丈餘周匝三十
間餘

其二 呼之曰錢神岩高五丈餘

古壘凡二

其一 號大館傳云阿部貞任砦也

其二 號大形山館或稱桑島館不詳何人所

居

橋一 號小左治橋小橋也傳云往古自京師虛

無僧號小左治者到此地卧病而死葬之植松

有石碑記曰永和二五月晦日名跡志曰鄉人

曰之小左治橋雄小元有於訓後人誤為古之

訓永和中有桑島宮內者甚張威福而稱善人

有一女號幾世有容色鄉有山上雄幸者男色
動鄉黨但同門巷幾世他時見雄幸思念日夜
不息私通艷書而終有雲雨之會爾後屢欲交
會而不能焉幾世不耐眷戀思慕之切詠一首
之悲歌投身而死時年十有六雄幸亦遂死于
情年二十有一歲鄉人哀而立石題曰幾世墓
永和三年三月十日歿雄幸墳亦隔川為參商
有小橋往時雄幸微行之地土人曰之雄幸橋
希文按幾世石碑記永和二年丙辰三月十日
名跡志為三年者誤也永和之號 後圓融帝

御宇也

川一

青熊川

小川也其源出自柴田郡界入廣浦

川

澤一

號足水澤木邑及大野田兩邑用水

塩手邑

神社凡五

佐具敷神社

是乃延喜式神名帳所謂木郡

二座之其一也今其社荒廢社地為邑民之

地名跡志曰其社廢今其地曰北野宅而無

社風土記殘編曰佐具敷神社在田五十束

三字田又假粟獻半毛所祭高皇產靈尊也

孝德天皇二年丙午三月始奉圭田行神

禮有神家巫戶等

住吉神社 傳云源義家朝臣東征之時祭之

宇南權現社 不詳何時勸請

稻荷神社 同上古來稱之曰山崎神社

姥神權現社 不詳何時祭何神

佛宇凡二

地藏堂 傳云本尊惠心僧都作不詳何時創

建

藥師堂 不詳何時創建土人曰之塩之藥師
傳云往古有老僧汲塩出山下所湧之潮水
煮塩令童子十二人與之衆人治病於是祭
之稱塩之藥師號其塩所出山曰塩出山塩
竈所在曰竈之前名其邑彌塩出邑又有彌
塩河原地今書塩手者誤矣名跡志云鄉人
曰之塩手邑笠島北邑埋實方馬具之緜環
緜者固結也所以繫鞅鞅于鞅下之環而固
結馬具者也鄉俗不解文字書塩手者不當

皆誤也仍改書緜環邑希文按此說與邑人
之所傳大異姑記之備參考

寺凡二

青苗山塩手院 曹洞宗本郡根岸邑宗禪寺

末寺傳云 後土御門帝明應六年海印舜

巨和尚開山

塩福山永禪寺 曹洞宗本郡根岸邑宗禪寺

末寺傳云明巖邦譽和尚開山不詳其年月

古壘一 傳云源義家朝臣東征之時所管陣也

中將實方朝臣墓 傳云實方朝臣者大綱言定

時卿之子也 一糸帝長德四年戊戌有罪貶
陸奧守令探今古倭歌之名地過本郡笠島邑
道祖神社前不敬乘馬驚騰頓仆實方忽落傷
身同年十一月十二日遂卒于此地葬之築塚
每歲十一月十二日邑民祭之稱國司祭 中
御門帝享保七年十一月四日 獅山君詣道
祖神之時命之修補焉名跡志曰在邑中山頭
鄉人曰之北野宅 一糸院御宇擊行成于殿
上仍貶與州刺史註解今古和歌名地因問阿
古屋松到羽州十歲山歸路過笠島社前里人

不知其神祭猿田彦妄以道祖神淫女告之實
方不敬時乘馬龍鍾頓仆實方忽落馬傷身去
不幾歿鄉黨以為神之所罰也相自神明之至
德言之則夫然乎偶馬斃而自取害而已里人
不知其本源不辨其事實於後人欺神明誣
鬼神遺妄說乎末代尤可痛恨矣然無質之以
復正之人實方非罪之證見 花山帝獻作及
能宜隆家公仕數輩之和歌和歌行成叨誹實
方于帝前故實方懷憤恨亦宜乎嗚呼 一糸
帝一時之英君不察其非非黨行成而惡實方便

千載之下寥寥乎無曉喻紀明之者空實方陷
不恭之罪神明負非義之崇然其實方非罪之
誠不可掩至今里人村老慕實方辨不辜愛其
人若父子之親敬其人若君臣之義不存言而
直奉稱中將君之情古今不變其證見西行詠
舊墳之詞并宗
行久紀其實今猶古其聲名不朽之證可視是以
一堆之古墳千載之下尚遺之樂天所謂龍門
原上土埋骨不埋名者宜哉是乃其遺址也
馬塚 在道祖神社一町許北古道中傳云埋實
方朝臣所乘之馬處

假屋處 在社乾三町傳云實方朝臣落馬時構
假屋于此而療養處有掛其笠松一株土人曰
之笠掛松

書山 在馬塚邊傳云實方朝臣落馬時作家
書處

肆尸崎 在社西北五町許傳云實方朝臣臨終
遺言曰五得神罰而死宜肆屍以懲戒後人邑
民如其言二三日而葬之故號肆尸崎

馬立處 傳云源義家朝臣東征之時陣營于本
邑作廐于此處爭號馬立宅名跡志曰社西北

七町餘實方落馬停馬地也鄉人曰馬立宅
竈前 傳云往古設竈煮塩名跡志曰實方火葬
之地也火化處俗曰竈地死者之於火化也猶
烹爛魚臠於竈中故曰竈地 希文 梅馬立處竈
前名跡志所記與邑人所傳大異姑記之備參
考

野田崎 傳云古跡也不詳其所以然

野田泉 同上

鏡橋 同上

手倉田邑

神社凡三

諏訪神社 不詳何時勸請

道祖神社 同上 本郡笠島邑道祖神祭日神

輿之旅宮也

水神社 稱玉島明神同上 希文 按風土記殘

編載玉島神社疑此社乎

佛宇一

太子堂 不詳何時創建

寺凡二

勇瑞山吉祥寺 曹洞宗仙臺府下松音寺末

寺傳云舊號倉田寺無本寺 正親町帝永
祿元年花翁和尚開山 後西帝明曆元年
松省寺十世能岩文藝和尚中興開山改號
吉祥寺

普門山自性庵 曹洞宗本郡吉田邑秀麓齋

末寺傳云 正親町帝天正元年香菴貞磋

和尚開山

十三塚 在箱崎山傳云古昔京師聖僧十三人
到本邑而共死其葬之處

粟津松 有二株傳云古昔號道孝者夫婦自京

師來而共死于本邑其葬之處

橋一 號高橋土橋也長九間半橫一間五尺

飯野坂邑 古道之西方山中有羽黑權現大社以

其坂中出飯邑名號飯野坂

神社九三

羽黑權現社 不詳何時勸請在路西傳云姓

古大社而有末社坊舍許多中古荒廢悉為

烏有僅在本社七八十年前有其礎石等今

皆為園社地亦為邑民之地稱宮下居其處

者不能食禽獸若有食者則必有召崇有方

四間許之古井殆非人力之所致故邑民不用之登其社地之坂號飯野坂姓古坂上出飯故云爾邑名亦本之今所存細運而為農夫耕作之路

鹿島神社 在號淡路山地不詳何時勸請

雲南權現社 傳云春日所勸請也不詳其年月

佛宇凡二

觀音堂 不詳何時創建本郡三十三處巡禮第十八番之札處也

藥師堂 傳云專心僧都嘗製藥師佛於參州

鳳來寺負之巡行諸國到本邑建堂安置之號羽黒山丘色寺歷年之久荒廢正親町帝天正中號慶算修驗者中興至今十一世相繼號光明院什物有弘法大師作不勤及地藏春日作地藏天竺鑄佛般若佛聖德太子所畫不勤收溪和尚所畫瀧見觀音

寺一

無量山明觀寺 淨土真宗京都西本願寺末寺傳云 後花園帝文安二年祐安和尚開

山

桃花卷

自增田駛到岩沼駛之路也傳云此地
嘗多桃樹花時 肯山君過此邑甚賞花有
命家々門前列樹植之爾來樹枯則復植之以
遺愛名跡志曰飯野坂邑園圍門卷多植桃樹
肯山君一春南行路過此邑斯日也桃花盡開
紅白交枝滿邑之豔陽甚可愛 君停輿顧從
臣賞歎曰此勞邑居民雖少風光殊富如疊錦
然稱之花區可矣鄉人因 太守詔家々栽培
桃樹認 太守之遺愛於後世以比之甘棠且

太守平日長詩歌發雅情于此是地亦可謂
鄉隣之玄都觀矣

植松邑

神社一

石神 在彌中之崎園中土人稱之アキイシ行石靈石
也 櫻町希寬保二年五月 獅山君帰国
時有尋問而覽其石構其雨庇同年之冬放
鷹時再覽之賜金

佛宇一

觀音堂 傳云弘法大師所製而 嵯峨希弘

仁中弘泐大師創建寄附二十石之地

寺一

金剛遊山觀音院弘誓寺 真言宗城州御室
御所仁和寺末寺傳云 嵯峨帝弘仁中弘
泐大師開基而 後堀川帝寬喜之以大師
泐嗣實惠附泐弟子茲猛房良賢上人中興
什物有天竺真言祖善無畏三藏真筆蓮
絲織兩界曼荼羅弘泐大師真筆泐花經佐
藤次信真筆紺帟金泥阿彌陀經弘泐大師
真筆辨財天畫像土佐筆不勒畫像宅摩筆

愛深明王畫像唐畫般若十六善神弘泐大
師附泐弟子實惠大德附屬佛舍利弘泐大
師作勢至及木像十三佛十王朝像大日如
來同地藏行基菩薩作藥師智證大師作帝
釋天韋陀天 正親町帝繪旨等

倉廩

儲蓄雜穀

孝子一人

邑民喜吉能事其父母有孝

今上

帝寶曆九年六月賜金賞之

古壘一

傳云觀音堂所在古來稱古館

植松之松

在觀音堂山下道西傳云往古曰之

花輪松是此處地名號植松之標也

津久毛塚 在道西或曰糠塚古來有之不詳其

死以然也

小豆島邑

神社一

牛頭天王社 所祭素戔鳴尊少將井稻田姬

命三神一社傳云 清和帝貞觀十二年自

播州明石浦廣峯奉遷本邑祭之

寺凡二

醫王山光圓寺 真言宗本邑植松邑弘誓寺

末寺不詳何時何人開山

水月山慶雲院 曹洞宗仙臺府下松音寺末

寺傳云松音寺第九世民國麟泰和尚開山

笠島邑

神社凡三

道祖神社 所祭猿田彥大神與王命天鈿女

命相殿祭之傳云 垂仁帝御宇八津峯鎮

座 雄畧帝御宇造宮宮社 後陽成帝慶

長中罹野火宮社及賴朝卿以來之古書舊

記悉燒亡州人祈男女婚姻造陰相掛之于

社前以為報賽至近年猶然社家完戶長門
守禁之今無掛之者社南一町餘曰馬湍宅
有雙石礎古昔鳥井之址也今猶存名跡志
曰道祖神是乃神代猿田彥命天孫降臨之
時始故行仍為道祖神祖始也道乃路也因
又稱岐神岐字誤路岐也乃道路之義艾
亦依田彥神號也原道之至極則生々不息
之名於是推為男女婚姻神妙和合之祖又
稱幸神人家可尊仰之天神也古來鄉里所
傳之妄說曰此神祭洛陽賀茂川西一條北

出雲路道祖神之女彼女生前私通商賈故
所謫流死于此地州人立祠祀之以上元夜
為社日又九月十九日令神輿舁于北釜脩
禊而還一州祈神而有應則作陰相賽之蟠
龍子曰道祖神乃猿田彥大神也上古迎瓊
瓊杵尊降臨于天八達之衢天鈿女命問之
答曰吾名猿田彥今雍州出雲路道祖神也
麗氣記亦曰之道辻神是也神名異記曰伊
勢度邊郡大土公神社猿田彥大神新古今
集淑望詠猿田彥和歌曰久堅乃天能八重

雲振別天降志君子我曾迎邊之其說如此
道祖神女通商人事不見正史神籍若俗說
則邪神而淫祠也今川了俊紀行播州四竈
鄉有出雲路社造陰相掛之云杓古實方經
過問其神邑人因循苟且不知猿田彥之岳
跡以出雲路淫奔之女而妄答實方賤之無
意崇敬故不及下馬不意馬仆人傷後人不
解以為神之崇而不疑自是誣神誤理夫神
明之於德豈若愚婦怨女以崇報疾怒而急
弊實方乎不幸此時偶然遭逸馬之難皆鄉

里之小人不肖之妄說世俗之雜話傳問之
謬誤耳然實方之遺名因此地而聞神明之
社號因實方而傳其所出之來由邪正不可
不兼載併記焉此神非鄉說女神猿田彥也
實方之死非神咎不意之薄命也

伊都岐島神社 土人曰之辨財天社所祭市
杵島姬命不詳何時勸請傳云 後陽成帝
慶長七年罹野火舊記緣起等悉為烏有

下幸神社 名跡志曰去社南三町餘于倉田
飯野坂兩邑之間有小社曰之下幸神祭日

本社之神輿憇于此地。

寺凡三

長德山善福寺 真言宗本郡熊野堂邑新宮

寺末寺不詳何時何人開山

瑠璃光山安養寺 真言宗同上

笠島山智福院 曹洞宗仙臺府下松音寺末

寺傳云 後花園帝寶德元年十一月能州

總持寺前任松音寺第十一世大然存覺和

尚開山

大塚一 高可十丈周匝百間餘不詳所以其然

認鏃杉 古木今亡後來栽之以坊之名跡志曰

在道祖神社西川內澤秀衡往昔上京經此地

射路傍老杉而賀京師首途從者各進鋒鏑

後西帝明曆中古杉猶存根圍一丈二尺他日

鄉人欲伐之為商舛料坎々仆之鳴動之聲滿

鄉隣割之遺鏃頗多於受人暗知舊說傳話之

不虛然不堪貪利之情造功已畢泛諸滄溟其

前宵有妖聲未幾而損壞此時驚悔而無由土

人呼之矢立杳

東輿道路 名跡志曰右松下有一細路是古昔

東國通行之道鄉人曰之昔棄行路レ和俗呼レ道
路レ渾曰海道白石先生質海邊之外可改レ之然
世俗不用仍從方言希文按白石先生者
文照院殿近侍儒新井筑後守君美也

澤一 號川内澤本邑及植松下野鄉三邑用水

橋凡二谷土橋

其一 號舟橋長五間半橫一丈

其二 號袖橋長五間橫一丈

北目邑 有號原地

神社凡三

諏訪神社 不詳何時勸請

八幡宮 同上

雷神社 同上

寺凡二

開川山福壽院 曹洞宗本州須賀川長祿寺

末寺傳云 後柏原帝永正五年四月開山

僧名不傳

益葉山松林寺 曹洞宗本邑福壽院末寺傳

云 東山帝元祿元年八月開山僧名不傳

志賀邑 名跡志曰古昔所謂指賀莊乃今之志賀

邑也。是亦鄉俗誤文字。于今之地。風土記殘編曰。公穀六百七十二束。三毛田。假粟五百六十九束。三字田。貢駿馬粟梅櫻。

神社凡二

神明宮 不詳何時勸請

八幡宮 同上

佛宇凡三

藥師堂 傳云 清和帝貞觀二年慈覺大師

所創建而堂宇飛驒工匠造之

觀音堂 不詳何時創建傳云本尊慈覺大師

作

不動堂 以石造之在不動瀑布

寺凡二

岩松山洞林寺 曹洞宗本郡北長谷邑長谷

寺末寺傳云安室頓應和尚開山不詳其年

月 正親町帝天正丑年六月九日安室遷

化

岩窟山巖藏寺總樹慈院 天台宗仙臺府下

仙岳院末寺傳云 清和帝貞觀二年慈覺

大師開基岩窟有石匣及號硯水水名跡志

曰有寺曰岩窟山岩藏寺貞觀二年覺^慈所開
善逝堂亦自作脇持日光月光運慶作有大
六彌陀堂後有經塚傍有一山稱山王森下
有不動瀑布希文按名跡志為此寺在北長
谷邑者誤也

不動瀑布 高可二丈廣可三尺

澤一 號志賀澤本邑及小川兩邑用水

小川邑

神社一

貴布禰神社 不詳何時勸請

佛宇一

觀音堂 不詳何時創建今荒廢無堂本尊安
置于蓮花寺惟存遺址

寺一

觀自山大悲院蓮花寺 真言宗木郡岩沼鄉
竹駒寺末寺不詳何時何人開山

長岡邑 傳必往古稱長岡鄉

神社凡三

牛頭天王社 傳云地主邑民八郎大夫者每
歲六月十五日掌祭事 朱雀帝承平中八

郎大夫曩祖勸請尾州津島之神、八郎大夫
所耕之田有号六月田、是古昔之祭田也、社
地有榿之大樹三株、谷周圍二丈餘
神明宮 不詳何時勸請社地有大樹之榿周
圍一丈七尺餘
熊野神社 不詳何時勸請邑人或傳是亦為
老女所勸請

寺一

巖谷山長徳寺 曹洞宗黑川郡宮床邑龍峯
寺末寺傳云虎應和尚開山不詳其年月

後西帝萬治元年七月朔日虎應示寂

三色吉邑

神社凡三

熊野神社 不詳何時勸請

雷神社 同上

水神社 同上

寺凡二

平等山東安寺 曹洞宗越後州耕雲寺末寺
傳云 後土御門帝延徳二年玉應慶陰和
尚開山

大窪山高雲庵 曹洞宗本邑東安寺末寺傳
云 後陽成帝慶長四年了堂文紹和尚開
山

北長谷邑

神社凡二

明神社 傳云 和銅二年所觀請也明神不

詳祭何神

雷神社 同上

佛宇凡二

大日堂 不詳何時創建

地藏堂 傳云 後西帝萬治三年創建

寺凡二

巖屋山長岩寺 曹洞宗拜州山形汰祥寺末

寺傳云 後柏原帝大永二年竹用和尚開

山

朝日山新東菴 曹洞宗本邑長岩寺末寺傳

云 東山帝元祿元年宗屋全超和尚開山

南長谷邑 有下彌玉崎地

神社凡三

新山觀現社 不詳何時勸請

妙見社 不詳何時祭何神
諏訪八幡社 不詳何時勸請

寺凡三

龍谷山鷹視寺 曹洞宗羽州山形泮祥寺末
寺傳云最初開山僧名年月共不傳 後奈
良帝天文二年白圓和尚中興名跡志曰在
千貫松嶺北武隈西相傳往時為由利若愛
鷹緣丸所建也有大悲像曰長谷觀者南北
邑名出于此鄉說曰由利若夫人想海曲欠
文房具締小視于鷹翼而放之香空不耐重

墮而死後人築山畔建寺是也或說曰邑名
之出非此寺焉康平中賴義建之模長谷佛
像曰岩屋山長谷寺南北邑落以據此寺號
云希文按康平之號 後冷泉帝御宇也

深谷山真珠院 真言宗本郡岩沼鄉竹駒寺
末寺不詳何時何人開山

深谷山延命寺 真言宗本邑真珠院末寺不
詳何時何人開山

古壘凡二 傳云共古昔長谷紀伊守傳不者所
居也

十貫松 名跡志曰上有新山兼祠山下有寺曰
深岩山真珠院嶺上青松萬株隨山勢之高低
而相連數十町有屈曲有平直交翠排青商舶
渙舟汎于滄溟者或有泛々而失西東則杳望
此嶺松而得其方隅詳其邑落於是有大安其
意者賤劣之心以為縱價以十貫而當之亦未
為過多焉故掉郎舟子責重嶺松而所為標準
相稱乃名以此鄙稱也

東平王塚松 名跡志曰十貫松嶺以東山下有
古塚栽青松十二株相傳異邦人東平王客死

于茲塵尸於山下以眷戀鄉里之情切也塚上
草木枝葉應然盡向于西觀者爇追慕以宗久
紀行亦為異邦人按東平王者按察使之尊稱
也續日本紀大野東人神龜元年東國節度使
同三年東海東山節度使兼鎮守府將軍國分
武次第曰東平王也或記曰大野東人惠美
朝猶稱東平王橘諸兄稱葛城王云々因是考
之為按察使之入死于此之墓也鄉俗不知之
而謂異邦人宗久亦不知古書踏襲鄉俗之說
矣經國集十四載伴成益奉誠得東平樹詩評

國集 淳和帝天長四年丁巳令滋野負主選
自慶雲四年四十一代文武至天長四年五十一代
淳和帝四十一代之詩文九十九年新撰朗詠集懷舊部
載江以言松竹對策文之一句然則此樹名入
騷人墨客之吟也久矣

綠丸石 名跡志曰千貫嶺深山祠西有一石東
面立綠丸者由利若所飼鷹名戀其主而至謫
居傳書于夫人死後化石因言此地古之元海
島也

玉崎莊 屬邑不詳名跡志曰武隈以南古昔所

謂玉荊之地也鄉俗誤文字稱之玉崎風土記
殘篇曰公穀三百五十二束假粟二百八十六
丸貢紅花栗梨梅等

稻葉渡 阿武隈川渡口也

八聲橋 左號玉崎地之溝傳云自 仁明帝承

和九年小野篁東行之時稱之

阿武隈川 其源出自本州石川郡歷數郡而至

亘理郡荒濱湊入海

橋凡四谷土橋

其一號岩下前橋長五間半橫一間半

其二 號新田前橋長五間半橫一間半
其三 號三及田橋長九間半橫一間半
其四 號三木杉橋長五間半橫一間半
岩沼鄉 屬邑未詳有市店而馭也傳云往古稱此地曰武隈不詳自何時稱岩沼來蓋以城邊有號岩沼沼也有號藤場地古因賴母廣充采邑附屬給主士四十六人男女凡三百三十六人
神社凡五

雲南權現社 在城中不詳何時勸請
雷神社 同上

八幡宮 在竹駒寺中同上

命婦社 同上

竹駒明神社 緣起略曰 仁明帝御宇承和

九年小野篁為陸奥守赴任時詣城州紀伊郡伊奈利山恭請稻荷明神為國府鎮護神明神感其懇到之情假現白狐形篁乃函之早到鎮守府暨途過名取郡南長谷邑橋狐啼八聲篁怪之開函則白狐奔走入武隈茂林中不知其所往篁規其地造宮神社爾來稱其橋曰八聲橋後世訛呼曰弥五郎橋

後冷泉帝御宇能因汰師雖坐詠鬼門關之
和歌以不親遊其境為遺憾永承年間擔簦
躡履遊歷與州隨處尋篁所立明神社漸到
武隈適遇童子乘竹馬汰師問明神鎮座地
童子指點西林無所酬答猶策竹馬走入靈
區汰師因神教不堪怵嘆建寺社頭相羊於
武隈二三年于茲廼以騎竹馬號竹駒寺其
後漸就荒廢無治之者 後奈良帝天文六
年 當家十四世直山公傷之周覽古跡再
興神祠及寺且寄附本郡小豆島邑此地今

無有焉不詳何時
公收及其真數 後光明帝寬永十一年
此年改元正保 十八世義山公謀曰此社開創以
來甲乙相續克底于今不翅九百年之久一
且使其埋墜我門之耻也何不起其廢乎越
寄附本郡押分南長谷兩邑內四十八石之
地以備祭禮之費 中御門帝享保七年
二十一世獅山公寄附柴田郡關場邑內二
十石之地永充宮社修補料每歲二月初午
日有祭奠式當初與州國司源重之後房等
皆獻神馬伯樂為群列市百日其間貨場牧

馬是賑初午祭禮者也名跡志曰乃祀稻荷
明神其名相傳久矣社邊有八幡雷神愛宕
叢祠及大悲小堂社後有稱寶窟地而斷岸
之半腹有狐窟鄉俗以為此石窟乃稻荷之
神室也其真體乃封狐之精如今現棲於窟
中矣大古變小童騎竹馬來故武隈文字易
之以竹馬且訓名相通而幸取能因所開之
武隈之舊号為今之寺號也因岩沼隣鄉邑
落廢舊號而信新名崇野狐頗如神每歲仲
春午日為祭時行祭礼具盛饌及生雞于窟

前則封狐出來食之而盡人以益信之按稻
荷者考神書則倉稻菟也豈以封狐祭之耶
且以狐為說蓋別有說矣不可信豈直指封
狐妖獸而當其神哉然諸州不辨其本實為
老狐之精因循來而無草者於大成經亦遺
其惑繇茲浮屠役徒附會揚言豈足取之耶
尤可痛恨之至也如今原其作俑想夫斯地
大古建社祀倉稻魂來以年代之久或廢其
祭或失社地亦未可知焉爾後有一般凡俗
愚昧者聞先時之舊說而將復興之然其人

文盲無智故不擇古傳不問舊墟謾用俗間
之說真信封狐之偽說且幸有此狐窟而以
為神迹之所無焉乃建神祠以訓音彷彿地
名之舊號而號竹駒明神易本號失舊名者
臻茲烏乎為神道者委洋屠雷同無質其妄
誕請說令神明遂蒙此淫号矣且誣之舉竹
駒里之小人豈信用竹馬而取長途哉按用
起馬而取長途之說與緣
起馬而言異想夫一說與緣是乃市童之玩好
幻冲之嬉戲而以此卑說永慢其神誣其號
今博考之載籍歌書等之中及此事實舉此

地名者未曾一言出于古人舊說焉然後人
仇庸妄附會強立言者可知焉耳自是推其
義則可謂莫大之重科也切怪神明不加罪
神官不能咎故俾鬼神永歸淫號妄陷于妖
獸汗辱蕪穢之甚可奉嘆哉寺院相傳祀能
因所開稱武隈寺者乃依其地名之美稱也
能因乃橘諸兄後裔橘忠望孫肥後守元愷
子實名永愷少而入學稱肥後進士任長門
守任古曾部平日愛和歌以藤長能思慕未
會其人一日駕車而過長能宅前值車仆轍

損令人召其車幸其佇立彷徨謁長能告志
執師弟之禮問其法長能教示以山間楓葉
灑雨作自是益進其精微一春之浴宿大江
公資五條洞院家是為愛南庭櫻花也後薙
髮稱能因於歌林亦鳴翹楚矣從範因朝臣
之伊豫因時州內有旱魃之憂刺史請能因
奉禱雨和歌于一宮忽有神感而靈雨沛然
苗淳然立後詠白河秋風絕唱世人贈炙竹
田大夫國行者取途于東與過此關山於是
新粧衣服人怪問之則言此關門有能因一

章名歌如何以故衣褻服歷此地其亦貴重
如此能因遊于東與或著八十島記或賞名
跡而建精舍今之武隈寺是也有加久夜長
帶力節信者以好事而鳴于世他時逢能因
互悅能因出一握于懷中錦囊示曰是乃泚
昔長柄橋柿也節信欣然彼亦囊中出一奇
物者之則井手乾蟾蜍也共催高興歎風雅
去然後世凡僧野衲之徒妄改稱號易地名
而曰寶窟山竹駒寺

辨財天堂二 共在城中未詳何時創建

藥師堂 同上傳云舊在城中 正親町帝天

正十三年泉田安藝重光為城主時移于今

之地

弘法大師堂 在竹駒寺中不詳何時創建

觀音堂 同上

觀音堂二 其一在下號觀音崎地稱朝日觀音

其二在竹駒寺中共不詳何時創建

寺凡六

寶窟山竹駒寺寶珠院 真言宗城州醍醐報

恩院末寺傳云 後冷泉帝永承中能因法

師開山事實詳載于竹駒神社下條有什物

法華經一部傳云 先帝女院寄附記曰嘉

敬白後二條帝御宇也大般若經一部涅槃像

一幅記云美濃州神淵山龍門寺永充供養

之號張思恭筆希文按貞和唐畫十六善神弘

法大師筆不動智證大師筆不動筆者不知

不動及八大童子惠心僧都筆愛深明王唐

畫虎縉紳家墨痕阿武隈川武隈松古歌手

鑑 獅山公真筆和歌同拔文花押之縁起

同神號旗 忠山公真筆神號旗等也

寶珠院無山真言宗竹駒寺末寺傍院也與竹駒寺同其院號不詳其所以然及何時何人

開山

西光山岩沼院高福寺 真言宗本邑竹駒寺

末寺不詳何時何人開山

鶴岩山天龍寺光明院 真言宗同上

大衆山汰常寺 曹洞宗本州須賀川長録寺

末寺傳云 正親町帝天正中長録寺六世

大華和尚開山 貞山公寄附八石之地

義山公加增五石之地

普門山茲眼院 曹洞宗本邑汰常寺末寺傳

曰理山和尚開山不詳其年月

古壘一 號鶴崎城又稱武隈館傳云往古源重

之朝臣所築也 正親町帝天正以前不詳何

人居之自天正之初泉田安藝重光居之其後

石田將監大木不休遠藤兵部屋代勘解由齊

藤新藏人安久津新右衛門與山出羽同隼人

同大學伊達兵部大輔古内主膳古内肥後田

村右京大夫古内造酒助相代居之 靈元帝

貞享四年以來古内民部子孫相繼居之

倉廩 在號藤場地

雙根古松 或曰武隈松名跡志曰去社二町餘

阻岩沼驛西五町餘今臨其地一松交翠馬鬣

垂枝怪其違舊時之傳說土人曰之武隈二木

松希文按浦輔與儀抄云此松非舊有宮内卿

藤原元善為太守時館前始栽之後罹野火源

滿仲為任時栽之其後又失之橋道貞之任栽

之其後孝義為任伐之以造橋遂為烏有世人

以為殺風景之人袖中抄顯昭說亦然今所存

者後人所繼栽而自古其枯則復栽以存其名

勝今見元善朝臣再任時所詠和歌之序詞曰

以所舊有者枯故令栽以繼之是乃與與儀抄

袖中抄所言異書之以備參考

鼻輪松 名跡志云々當館西五町餘上小阪入

其地雙松相並枝葉繁茂按與儀抄或稱二株

松或曰鼻輪松混為一死同樹皆傳聞想像之

說也唯源重之之歌意為別樹且夫志趣亦暗

兩株之意據歌林良材說則又混兩地而為一

處如今點檢其樹實別樹也於是始信焉重之

實見不可誣矣以此人而可為正說也自古稱
來曰武隈雙株松一日臨其地須有兩株而却
存一株與其稱不相合也以重之和歌考之則
稱鼻輪者一樹而徃昔名二木者須兩株也然
則今所存松實稱鼻輪者而鄉俗失其舊地乎
此却稱二本松乎又名寄裏書及歌人說曰武
隈二木松在館前也於史歷世古松枯盡則依
舊繼新松者亦見乎古書中按今所存松亦元
有雙樹而一株枯槁唯餘一根歟二木鼻輪稱
來久矣然古書前人之說異義紛々繁多叢雜

落著不分曉故今舉諸說而辨之藻塩草引與
儀杪而始謂武隈鼻輪松而末篇混二木而說
色葉集亦相同歌林良材始謂二木而後混鼻
輪又末合為二木事袖中抄專謂二木一事而
能因季道深覺之歌亦同其旨唯源重之特挺
然為別樹且於歌意亦如詠一松樹是乃身踏
其地而所親見之證尤可貴也二木乃須取袖
中抄之義鼻輪乃須信重之之說也

遠望浦 名跡志曰非地名岩沼以東大洋之渺
茫極目已遠故以悠遠之狀而稱之遠望浦自

入橋為仲之吟來却似稱地名其亦省歌意可知也

龜塚 不詳其所以然

阿武隈川 偏岸屬本邑

橋凡四谷土橋

其一 號凡沼橋長八間橫三間

其二 號外除橋長十間半橫三間餘

其三 號古川橋長十間橫一間

其四 號三間橋長六間橫二間

道凡四

其一 江府道

其二 阿武隈川渡航往亘理郡道

其三 共往柴田郡道

本郷邑 有號六間地

神社凡三

熊野神社 不詳何時勸請

八幡宮 同上

雷神社 同上

佛宇凡五

觀音堂 不詳何時創建

阿彌陀堂 同上

藥師堂 同上

聖德太子堂 同上

辨財天堂 同上

寺凡三

南宿山真福寺 真言宗本郡植松邑弘誓寺

末寺不詳何時何人開山

熊野山小幡寺 真言宗本郡植松邑弘誓寺

末寺不詳何時何人開山

深淵山妙圓寺 天台宗仙臺府下仙岳院末

寺傳云羽州羽黑派行人金剛院祐全上人
弟子亮永開山不詳其年月此寺舊在栗原
郡宮澤邑 中御門帝享保六年移住于本
邑

橋一、號二間橋長七間橫二間半

押分邑 有號二倉濱

神社凡六

神明宮 傳云 廢帝天平寶字六年惠美朝

臣朝獨所勸請也 有自古傳來日月旗長七
尺四寸 橫幅三尺八寸 日紅色 徑三尺五寸

月白色徑三尺五寸古物而蠹喰且破裂
川口明神社 在阿武隈川邊石宮也不詳何
時祭何神

稻荷神社 不詳何時勸請

神明宮 在二倉濱不詳何時勸請

雷神社 同上

明神社 同上不詳祭何神

佛宇凡二

阿弥陀堂 不詳何時創建

觀音堂 在二倉濱傳云 平城帝大同二年

田村磨呂 亦創建也

寺凡二

玉光山名取院圓立寺 淨土宗本相馬中

邑西光寺末寺傳云 明正帝寬永十九年

開心不詳其僧名

江南山惠光寺 在二倉濱臨濟宗京都妙心

寺末寺傳云周澤和尚開山仙臺府下覺範

寺立世徹宗和尚中興共不詳其年月

川一

阿武隈川 偏岸屬本邑

濱一 號二 倉濱

堀内邑

神社凡六

牛頭天王社 傳云往昔大職冠鎌足公之末裔大友豐後守傳不貶于本州住于本邑勸諸水國鎮守牛頭天王焜煥權現兩社不詳其年月

焜煥權現社 同上 所祭春日大明神熊野神社 不詳何時勸請傳云所祭天地十二神而往古大社也

八幡宮 不詳何時勸請

神明宮 同上

葉山權現社 同上

佛宇一

藥師堂 不詳何時創建

寺凡二

龜谷山禪觀寺 曹洞宗本郡三色吉邑東安

寺末寺傳云 正親町帝永祿二年東安寺

六世僧開山僧名不傳

虚空山高照寺 真言宗本郡植松邑弘誓寺

末寺傳云 明正帝寬永十七年珪意汰印

開山

下野郷邑 有號相之釜濱矢目藤曾根地矢目有

步卒百八十八人男女凡六百五十二人馬十二足

附屬十番部將一部谷十八人

神社^凡也

雷神社 不詳何時勸請

愛宕神社 同上

稻荷神社 在相之釜濱同上

鹿島神社 同上

熊野神社 在矢目神前寺中同上

佛宇凡三

弘法大師堂 傳云 桓武帝延曆中安部仲

麻呂末裔號安部萬龜人來住于本邑號藤

塚地^上 嵯峨帝弘仁十三年創建大師堂至

當今大衆院三十四世子孫相繼世為別當

家系舊記載于其家至二十七世住于本邑

藤塚二十八世大泉坊移居于本郡下增田

邑云

藥師堂 在矢目不詳何時創建

觀音堂 同上

寺九三

愛宕山宕誓寺 真言宗本郡植松邑弘誓寺
末寺傳云 後西希萬治二年閩山僧石不

傳

海青山沁圓寺 在相之釜濱曹洞宗仙臺府

下松者寺末寺傳云 後水尾希寬永三年

能巖和尚開山

月光山神前寺 在矢目真言宗本郡岩沼郷

竹駒寺末寺不詳何時何人開山

沼一 號長沼長六百間許橫百間許

濱一 號相之釜濱

玉浦 名跡志曰岩沼以東曰之藤曾根往時之

玉浦也併浦崎地而渾是玉浦之邑也郷黨書

魂浦

橋九三谷土橋

其一 號木下橋長八間橫一間半

其二 號矢目橋長十六間橫二間

其三 號藤曾根橋長八間橫九尺

早股邑 有號長谷釜濱

神社凡四

熊野神社

傳云

靈元帝延寶七年勸請

日月社

不詳何時勸請

稻荷明神社

在長谷釜濱

後西帝寬文九

年勸請

神明堂

同上

靈元帝貞享三年勸請

佛宇一

藥師堂

不詳何時創建

寺一

東國山高林寺

曹洞宗本郡北長谷邑長谷

寺末寺傳云

後西帝萬治中俊鶴和尚開

山

川凡二

阿武隈川

偏岸屬水邑

前川 周匝十間餘

濱一

號長谷釜濱

寺島邑

有號蒲崎濱

神社凡四

日月社

不詳何時勸請

雷神社

同上

神明宮 在蒲崎濱同上

明神社 同上不詳何時祭何神

寺凡二

日照山正福寺 真言宗本郡岩沼郷竹駒寺

末寺不詳何時何人開山

照曜山專光寺 在蒲崎濱淨土宗岩城山崎

邑專稱寺末寺不詳何時何人開山

川一

阿武隈川 偏岸屬本邑

濱一 號蒲崎濱

道一 阿武隈渡航往亘理郡道

風土記殘編所載今失其處者如左

玉島川 風土記殘編曰出躰鞋等自阿武隈川

入此水名跡志曰或說云增田驛南河流曰之

玉川太阿武隈西北六七里水源出于笠島邑

郷黨玉島川名畧之以呼玉河歟且今問之郷

黨而無詳之者

玉島神社 風土記殘編曰幸田五十九東三字

由所祭下照比咩也 天武天皇三年甲戌三

月始奉幸田行神礼希文 按手倉田邑有稱玉

島明神社疑此社乎

井上郡

風土記殘編曰

公穀二百六十七束

假粟二百二十九丸貢杉柏栗及鶴鶴鷗鷺等

九品寺 風土記殘編曰寄田四十八束三毛田

道眼和尚結夏之丈室也

兼圓寺 寄田二十五束三毛田行基信宿地也

以上五區周問邑人故老不詳何處

封内風土記卷之二畢

